



Os representantes da Universidade e de Telefónica xunto cos participantes e os titores.

## Soluciones viguesas aos retos das cidades intelixentes

Neste hackathon os programadores desenvolven aplicacións coas que melloran o tráfico, a saúde, a enerxía ou o comercio

C.R. VIGO  
universitas@laregion.net

Máis de trinta estudantes das diferentes escolas de enxeñaría da Universidade traballaron arreo para desenvolver aplicacións ou servizos tecnolóxicos que contribúan a crear cidades intelixentes, a dar solucións aos retos das smart cities. É a primeira vez que HackForGood, o hackathon ou encontro de programadores, promovido por Telefónica, a ESE de Telecomunicación da Universidad Politécnica de Madrid, a Fundación Hazlo posible e a

startup MashmeTV, co apoio da Red de Cátedras Telefónica, recala en Vigo. Durante tres días celebrouse simultaneamente en nove universidades españolas con preto de 1.000 estudantes implicados que deberán dar respostas aos retos planteados arredor de tres temáticas: Smart Cities, Smart Worlds, Smart Society; M2M e internet das cousas e o impacto na persoa e nos cidadáns.

A inauguración oficial correu a cargo do reitor Salustiano Mato e do director de Telefónica Galicia, Manuel Alonso, un acto ao que tamén asistiu

HACKFORGOOD  
CELÉBRASE POR  
PRIMEIRA VEZ EN VIGO  
CON 30 PARTICIPANTES,  
PRINCIPALMENTE DAS  
ENXEÑARÍAS

o director da Cátedra Telefónica, o profesor José Cidrás. O responsable autonómico da empresa de telecomunicación explicou que HackForGood é un evento multidisciplinar no que se trata de integrar a estudantes de diferentes ramas para que coa súa App dean resposta a un dos 100 retos que chegaron diferentes persoas na web do proxecto.

A inauguración deste evento coincidiu tamén coa entrega dos premios da I edición do Galicia Open Future, o centro de emprendemento galego impulsado por Telefónica en colaboración coa Xunta de Galicia. ■



## Novos horarios de biblioteca para afrontar o último tramo do curso

C.R. VIGO  
universitas@laregion.net

■ A recta final do curso está chegando e con ela os temidos exames finais e os traballos de fin de grao e mestrado. Co obxectivo de facilitar a súa preparación a Biblioteca Universitaria organiza unha nova programación de horarios especiais. O novo horario mantense ata o vindeiro 28 de maio e inclúe aperturas de fin de semana e nocturnas, mesmo en días festivos.

A partir deste sábado 18 de abril e ata o domingo 24 de maio, ambos días incluídos, as bibliotecas de Torreeceideira, a Central de Ourense e a Central de Pontevedra comezarán a abrir todas as fins de semana en horario ininterrompido de 8 a 22 horas. Pola súa banda, a Biblioteca Central do campus de Vigo abrirá os sábados e domingos de 9 a 21 h.

Dende o luns 20 de abril ata o xoves 28 de maio, as bibliotecas centrais de Pontevedra e Ourense e a de Torreeceideira, manterán abertas as súas portas de luns a venres ata as 3 da madrugada. Con idéntico horario abrirán tamén o festivo 1 de maio.

Na web da Biblioteca completa atopar a información completa sobre esta nova programación de horarios, así como doutras actividades. ■

## Reivindicando garantías na interpretación de persoas maltratadas

600 profesionais da xudicatura, policía, medicina e tradución participaron durante dous anos na iniciativa

C.R. VIGO  
universitas@laregion.net

■ Presións por parte de intérpretes non profesionais. Procesos asistenciais sen interpretación e mesmo imposibilidade de comunicación cos seus avogados antes de chegar a xuízo. Esta son algunhas das situacións que vítimas de violencia de xénero de Marrocos, Brasil, Guinea, Rusia, Nixeria, Romanía ou Etiopía sofren en España. Así o constou o proxecto europeo co financiado polo Programa Xustiza Penal e nove universidades es-

pañola. entre elas a de Vigo. Speak Out for Support, SOS-VICS, que presentou balance en Madrid de dous anos de traballo, no que participaron máis de 600 profesionais dos ámbitos da xudicatura, a policía, a avogacía, o traballo social, a medicina, a psicoloxía e a tradución e interpretación.

SOS-VICS comezou a súa andaina en 2012 e chegou ao seu fin fixo públicas as súas conclusións nun acto celebrado na sede das institucións europeas en Madrid. Garantir por lei que as vítimas de

violencia de xénero estranxeiras contén con intérpretes en todas as fases do proceso asistencial, non só nos ámbitos xudicial e policial, e profesionalización e especialización dos e das intérpretes que interveñen neses procesos, foron as demandas que formularon as responsables do proxecto, que tamén presentaron os materias desenvolvidos destinados á formación especializada dos intérpretes, así como para profesionais que traballan con intérpretes e para vítimas estranxeiras. ■



A presentación celebrouse na sede das Institucións Europeas en Madrid.